

Lub Roog Madison Kev Ruaj Ntseg Cov Ntsiab Lus Tseem Ceeb



LUB ROOG MADISON
KEV RUAJ NTSEG

Lub Yim Hli 2024
Daim phiaj kawg

Cov Ntsiab Lus Tseem Ceeb


Daim Phiaj Xwm Tsim Kho Madison Kom Ruaj Khov yog txoj hau kev ua rau peb cov zej zog ruaj khov zoo dua qub txog tej xyoob ntoo ib puag ncig thiab ua rau Madison cov neeg nyob zoo dua qub nyob rau ziang no thiab tom ntej. Ib puag ncig muaj kev nyob nyab xeeb yog qhov tsim nyog ua kom peb noj qab haus huv, muaj lag luam zoo thiab muaj lub neej zoo.

Madison yog lub nroog muaj kev vam meej sai tshaj hauv Wisconsin. Kev ruaj ntseg yuav tsum yog lub plawv ntawm qhov peb yuav tau ua thiab yog yam uas Madison cov neeg tsim kom vam meej nyob ziang no thiab yav tom ntej. Peb yuav tau tsim vaj tse tshiab, kev thauj mus los thiab lwm yam raws txoj hau kev txo carbon kom tsawg, ua kom huab cua thiab dej huv si, thiab ua ke ntawd ua kom peb tej av thiab dej haus muaj kev nyob nyab xeeb rau peb cov neeg thiab xyoob ntoo.

Xws li ntau zej zog hauv teb chaws Meskas thiab nriaj teb, Madison muaj qhov hnov tau tias muaj kev phom sij los ntawm huab cua hloov pauv, kev phom sij huab cua, thiab ntau yam ua rau xyoo ntoo hloov pauv. Ntau caum lub xyoo dhau los yog qhov uas Wisconsin muaj huab cua sov thiab no tshaj plaws uas tau muab sau tseg, thiab ziang no peb tab tom ntsib rau tej huab cua phem, dej nyab, thiab huab cua puas tsuaj uas muaj kev phom sij ntau tshaj qub. Peb yuav tau kho thiab kho tej khoom muaj kev phom sij, tej tshuaj txhaum thiab kev puas tsuaj lwm yam uas yuav ua rau peb tej dej, av, thiab huab cua puas tsuaj. Kev phom sij los ntawm tej huab cua thiab tej hav zoov nroj tsuag yog tus yeeb ncuab tsis zoo rau lub cev kev noj qab haus huv, zej tsoom, thiab kev khwv noj khwv haus uas muaj nyob ziang no. Kev pheej txoj hmoo thiab kev puas tsuaj ntawm cov kev phom sij li hais yog yam uas tsis ncaj ncees rau tib neeg thiab zej zog.

Daim Phiaj Xwm Tsim Kho Kom Ruaj Khov No yog qhov yuav tau ua thiab tau peem txuas mus ntxiv ntawm Nroog Medison txhawm rau los ua kom muaj kev noj qab haus huv, nyab xeeb, thiab hav zoov nroj tsuag zoo. Lub Nroog thawj daim phiaj xwm tsim kho kom ruaj khov tau tshaj tawm xyoo 2004, thiab daim phiaj xwm kawg nkaus tau los siv xyoo 2011. Daim phiaj xwm no tau tsim raws txoj cai thiab kev ruaj ntsej ntawm hav zoov nroj tsuag thiab huab cua suav nrog Nroog ntau cov phiaj xwm thiab tswv yim ziang no. Tag nrho cov phiaj xwm thiab cov ntawv ceeb toom hauv daim phiaj xwm no yog muaj nyob rau hauv Daim Ntawv Rhais Nrog B. No yog cov txiaj ntsig ntawm peb xyoos dhau los ua los ntawm Lub Khoos Kas Tsim Kho Madison Kom Ruaj Khov thiab Nroog Kom Ruaj Khov thiab Rov Tsim Kho Dua thiab cov tswv yim pab los ntawm Lub Nroog cov neeg ua hauj lwm, cov kws tshaj lij thiab cov koom nrog, thiab Madison cov zej zog. Kev koom nrog ntawm zej zog suav nrog kev ntsuam xyuas hauv oos lais, cov koob tsheej, pab pawg muaj hom phiaj, tshaj tawm saum huab cua, thiab cov rooj sib tham nrog zej zog. Muaj coob tshaj 2,200 tus neeg tau muab tswv yim txog lawv cov kev ntsia pom thiab kev saib siab ntawm lawv rau kev tsim kho Madison kom ruaj khov.

24 lub hom phiaj nyob hauv Daim Phiaj Xwm Tsim Kho Kom Ruaj Khov no tau saib cov no yog qhov tseem ceeb. Peb tau faib ua yim txoj hauj lwm kom lub nroog ruaj khov. Txhua txoj hauj lwm suav nrog teev lub hom phiaj, kev ua hauj lwm thiab cov yuav tau pab soj ntsuam los ntawm peb. Cov hom phiaj thiab cov hauj lwm tau tsim nrog plaub yam txiaj ntsig qhia - ncaj ncees, raws txoj cai, kev cob qhia, thiab kev noj qab haus huv rau zej tsoom - txhawm rau kom ua rau kev pab kom ruaj ntsej ntawm peb muaj ntau yam txiaj ntsig rau peb cov zej zog. Daim Ntawv Rhais Nrog A qhia pom tag nrho cov hom phiaj thiab cov hauj lwm tag nrho ua ib daim kem, thiab lawv tau xam raws cov phab ntawv.



Cov hauj lwm hauv Daim Phiaj Xwm Tsim Kho Kom Ruaj Khov

1) Vaj Tse Kho, Nqi Tsim Nyog

Txua tus tswv cuab hauv peb zeg zog tsim nyog nkag tau rau kev noj qab haus huv, kev ruaj khov, thiab tsev nyob nqi tsim nyog. Peb xav ua cov tsev nyob tshiab, muab cov tsev nyob ziag no ua qhov chaw rov tsim kho kom tsim nyog thiab tsim kho peb tej tsev nyob ziag no kom zoo. Cov hom phiaj Ua Kom Tsev Nyob Zoo, Nqi Tsim Nyog txhawm rau kom tsim tau ntau thiab muaj tsev nyob rau Madison txhua tus neeg uas khwv tau nyiaj tsawg.

2) Rov Tawm Qauv & Kho Tej Tsev Nyob Hauv Nroog

Madison tsim tej ib puag ncig hauv nroog - tawm qauv thiab faib cheeb tsam tsev nyob, cov kev, cov chaw ua si, thiab cheeb tsam hav zoov ntsuab - teev peb lub neej yuav nyob. Lub Nroog mob siab siv zog ua hauj lwm kom paub tau tias peb cov kev, cov kwj deg, vaj tsev, thiab lwm yam hauv zej zog kom nyob zoo nrog huab cua-ua phooj ywg zoo-muaj lub ntsiab lus tias huab cua muaj kev puas tsuaj tsawg tshaj plaws thiab pab pov hwm kom tsis txhob muaj dej nyab, tshav kub, thiab txo huab cua tsis zoo kom qis. Cov hom phiaj no txhawm rau los pab peb lub nroog kom loj hlob raws txoj kev noj qab haus huv thiab kev nyob nyab xeeb thiab ib puag ncig ntawm peb zej zog los ntawm tej huab cua hloov pauv.

3) Hluav Taws Xob Hloov Dua Tshiab & Tso Pa Carbon

Peb yuav tsim thiab siv hluav taws xob uas muaj kev phom sij loj rau peb tej hav zoov nroj tsuag thiab peb kev noj qab haus huv li cas. Hloov mus siv tej hluav taws xob huv si, hluav taws xob rov tsim dua tshiab txhawm rau muab hluav taws xob rau tej vaj tsev thiab cuab yeej ua ke ntawd kuj txo qis tej kev siv hluav taws xob nws yog lub hom phiaj tseem ceeb txhawm rau

txo qis tej kev phom sij rau huab cua. Cov hom phiaj ntawm Hluav Taws Xob Hloov Dua Tshiab thiab Tso Pa Carbon txhawm rau kev txo tej pa hauv tsev iav los txhawb nqa kev siv hluav taws xob rov tsim dua tshiab, cov tsev thiab kev thauj mus los huv si.

4) Kev Thauj Mus Los Ruaj Khov


Kev thauj mus los yog yam peb tshem tawm tsis tau hauv lub neej txhua hnuv. Txhawm rau kom ua tau raws li peb zej zog tsim kho, Lub Nroog tab tom tsim lub lab npauv kev mus los ruaj khov ua ke ntawd kuj tsim kom nyab xeeb thiab ncaj ncees. Qhov no suav nrog kev tsim tej kev rau neeg mus taw thiab tuam tsheb kauj vab hauv Madison thiab tsim Madison qhov chaw tos tsheb npav tshiab ceev, tag nrho lab npauv tsheb npav thauj mus uas siv hluav taws xob (bus rapid transit, BRT). Cov hom phiaj Kev Thauj Mus Los Ruaj Khov yog qhib qhov kom nkag tau rau kev thauj mus los ntawm zej tsoom thiab kev thauj mus los txawj ntse, suav nrog kev mus taw, caij tsheb kauj vab, thiab tsheb muab log.

5) Dej Huv, Txaus Siv

Dej yog ib qhov nrov npe ntawm Madison Tsib lub pas dej – Mendota, Monona, Waubesa, Kegonsa, thiab Winga – puag ncig peb lub nroog thiab yog ua rau cov neeg hauv Madison mus ntoj ncig. Lub Nroog siv zog ntsos kom yog tus tshwj hwm tej hauv paus dej zoo, pov hwm thiab tsim kho dej kom huv, txhawb nqa pov hwm dej thiab tsim ob sab ntug dej txais tos tej neeg. Cov hom phiaj Dej Huv, Txaus Siv txhawm rau los tsim lab npauv dej los pov hwm zej zog kev noj qab haus huv, tsim kho kom dej huv zoo thiab saib siab kev tsim kho huab cua.

6) Tsis Muaj Khoom Seem

Ntau cov khoom siv thiab cuab yeej tsuas siv ib zaug ua ntej xa pov rau qhov chaw cia khoom pov tseg. Kev khwv noj khwv haus rau lub neej niaj hnuv txhawm rau los hloov lub lab npauv no los ntawm kev khaws tej cuab yeej thiab tej khoom siv kom ntev li ntev tau. Lub Nroog tau ua hauj lwm nrog cov koom tes nyob ntawm peb txhua cheeb tsam txhawm rau los pab kev khwv noj khwv haus rau lub neej, los pab rov tsim cov qub los siv dua, nqis peev ua lag luam thiab tshawb fawb, thiab txais tej khoos kas tsis pub muaj tej khoom noj seem. Lub Hom Phiaj Ntawm Tsis Muaj Khoom Seem txhawm rau los tsim kev khwv noj khwv haus rau lub neej thiab txo qis kom tej khoom seem txhob coj mus pov tseg tom chaw pov cia khoom sw hauv Madison.




7) Hav Zoov Nroj Tsuag Muaj Kev Nyab Xeeb

Madison tej chaw ua si, tej tsav puam, thiab lwm qhov cheeb tsam hav zoov ntsuab hauv nroog yog qhov tseem ceeb ntawm peb lub zej zog. Cov chaw ntawd yog cov chaw uas neeg tuaj yeem mus ntoj ncig thiab yog cov chaw uas xyoob ntoo thiab tsiaj loj hlob zoo. Peb cov cheeb tsam hav zoov ntsuab hauv nroog yog qhov muab huab cua thiab dej haus huv si, huab cua txias twb yog los ntawm hav zoov, carbon zoo, tsis muaj suab nrov thiab tswj hwm dej nag. Cov hom phiaj no txhawm rau los pov hwm lab npauv ntawm tag nrho tej hav zoov nroj tsuag ntawm peb, siv tej kev tswj hwm av kom ruaj khov thiab cog xyoob ntoo hauv nroog kom muaj nthuav dav.

8) Kev Khwv Noj Khwv Haus Ntsuab Huv, Zoo

Txoj kev khwv noj khwv haus hauv zej tsoom muaj lub ntsiab lus tias muaj txoj hauj lwm zoo, kev ua lag luag loj hlob, thiab tag nrho Madison cov neeg hauv zej zog ruaj khov. Kev tsim kev khwv noj khwv haus ntsuab huv hauv Madison muaj ntsiab lus tias tej kev lag luag loj hlob thiab cov hauj lwm zoo thiab tsis ua rau huab cua hloov pauv. Kev Khwv Noj Khwv Haus Ntsuab Huv, Zoo txhawm rau kom tsim kev khwv noj khwv haus hauv Madison ntsuab huv los ntawm kev muag khoom thiab tej kev pab cuam ruaj khov, txhawb nqa kev lag luam hauv zej zog, thiab tsim kho lub zog ntsuab huv.

Kev tsim qhov phiaj xwm no tsuas yog ib kauj ruam ua kom Madison ua ib lub zej zog ruaj khov thiab ruaj ntseg dua qub. Nws tau tsim suav nrog kev txo qis ua rau huab cua phem, npaj rau thiab txo tej kev phom sij ua rau huab cua hloov, tsim kho hav zoov nroj tsuag thiab txhawm rau kom muaj kev noj qab haus huv thiab nyab xeeb rau Madison txhua tus neeg. Qhov kev tsim uas muaj yeej no nws yog los ntawm kev cob qhia, kev koom tes, thiab cov koom nrog txhua tus hauv peb lub zej zog. Daim phiaj xwm no nws qhia txog cov kev uas muaj ziag no thiab cov kev daws teeb meem ntawm peb. Nws yuav yog cov ntaub ntawv uas muaj sia, haum nrog cov tev naus laus yis tshiab thiab cov ntaub ntawv, qhia txog nrog tej kev hloov pauv thiab raws tej kev koom tes ntawm cov koom nrog. *Peb lub zej zog yuav tsum tau mus txog txoj kev no ua ke.*





LUB ROOG MADISON
KEV RUAJ NTSEG

© 2024 Lub Roog Madison